

## **Kaskina e taciikw ki micta kokweteritenano patoskohowewin**

### **Anihwe patoskohowewin COVID-19 morockakemakan ia ni?**

Anihi patoskohowewina otci COVID-19 ote ka pakitinikatek Kanata mirwacino kaie miroparino. Wewerita ki nanakatcitakaniwono aniki ka nahi kiskeritakik mackikiriw Santé Canada. Mitowi ko anihi kotakahi pataskahikan ka totcikatei ki aitotcikatewa e nanakatcitakaniwoki ote ka apataki Kanata.

Kanata acitc Kepek takoniw kekwariw kitci miro nakataweritakik pataskahikaniw.

### **Tan e ici cakotcitac e patoskohowaniwok akosiwiniw COVID-19?**

Kaskina anihi pataskahikana COVID-19 nakatawerimemakan asko 80% irikik kaskina akosiwin ka pa mactak kaie akosiwikamikok e pitakaniwok acitc e nipahikemakak. Kecpin takonokwen ka koctamekw anihwe otci ka patoskohowaniwok ekoci arimotamowakok neta ka otamirotcik mackiki irinikewikamikok ki ka weritam witamakowaw kekwan anihwe. Kirawaw tca minawatc ki ka oreritenawaw ke totemekw.

### **Kekwan wetci kictapatak patoskohowewin?**

Nihe patoskohowewin anihwe otci COVID-19 kitci ni macikakemakak nihe akosiwin aka orina kitci macikakoiekw . Nihe tca wetci patoskohikoiekw otci COVID-19 aka kitci icaiekw akosiwikamikok acitc aka kitci nakickamkew nipowin nihe kitci nipahikoiekw COVID-19 aniki kirowe ka otake akohikotcik kekwariw. Kata witcihiwemakan kirika aka orina kitci aitaok nihe kitci otci aiakosinaniwok kotenamiwak awacamec nte kitci miro pimatisinaniwok.

### **Awin aniki ka koctatikonik otci?**

Aniki ka kiceatisitcik kirowe wirawaw koctatikoniw kitci makonakik niheriw akosiwiniw kaie kitci nipahikotcik niheriw COVID-19. Aniki kaie ka takonik akosiwiniw ka miwotatcik aspinikotc kekotc aniki mocak ka pecowapamatcik kekotc napitc ka otake takonik akosiwiniw aric nihe kirowe ka koctatikonik enko niheriw ka tato piponesitcik e kiceatisitcik.

### **Tante ke ki ici nta patoskohokoian?**

Matci ki ka ki icanawaw e ki natawerimekw irikik ke patoskohikoiekw aric matci kaie enkoni ke ici icaiekw. Kitci ki kiskeritamekw tante ke icaiekw pecotcik e ici takok kimikiwamiwak acitc tan apitc e takok patoskohowewin nte icakw pamikicikopitcikanik [Québec.ca/vaccinocovid](https://Quebec.ca/vaccinocovid). Nama akitakon nihe patoskohowewin. Anihwe patoskohowewin nama takon nte nicike nte awik ka wi nataweritak kitci patoskohakaniwitc.

### **Kecpin e arimikeian pamikicikopitcikeian?**

Kecpin arimikewekwe kitci icaiekw pamikicikopitcikanik nataweritamokw kitci witcihikoiekw. Kecpin tca aka e takok kirawaw pamikicikopitcikan nte ici motetitakw 1 877 644-4545 (nama akitakon).

### **Matci ia ni pekon ni ka ki patoskohokoian misawatc aka e tatc nitakosikarom?**

Kecpin aka e takok peitak e ici tacikeiekw kekotc aka e tatc kitakosikaromiwaw peikon ni matci ki ka patoskohokowinawaw nihe COVID-19 kaskina meka awik acteriw kitci patoskohowakaniwitcik aka kitci makonak aka kaie kitci mamiriwetc niheriw akosiwiniw ote Kepek askik. **Tan kotc e icinakosiin peikon ki ka ki patoskohokoian. Ohwe nte tepirak ke irapatak ka ki nataweritamakoiin kitci pakitinaman awin kir tepirak kitci kiskeritakosiin neta e ki icatcik pitakesinahwakaniwitcik. Nama kekwan kata tipatcimoctakaniwon anihwe ka ici pakitinamekw kiticinikasowiniwak.** Kecpin aka e tatc kitakosikarom aka cakwerimokw kitci ici arimweieikw 1 877 644-4545 (nama akitakon).

### **Tan tatwaw ke patoskohokoian anihwe otci akosiwin COVID-19 kitci ki caktocitaian?**

Nihe nictam e patoskohowaniwok wic 14 tato kicco patam kiskeritakon e witcihiwemakak. Minawatc nihe e ickwa nicwaw patoskohokoian enko nihe ka witcihiwemakok aka kitci caktocihikoian nihe akosiwin kaie aka kitci aniskwi miriweiin kaie kirowe kinowec kitci witcihikowin. Wic tca peiko manactakana kitci ki werita miroparik. Ickwa tca mirikoiekw ickwa peiko manactake nihe nicwaw ke patoskohikoiekw aci nta kirowe ki witcihikowinawaw werita. Awocamec kitci miroparik nihe nicwaw e ickwa patoskohikoiekw nte ici kanawapatcicatew nicwaso markanan irikik e ickwa patoskohikoiekw nihwe nictam.

Aniki ka ki makonakik COVID-19 epwamoci nictam patoskohakaniwitcik tepirak ni peikwa acteriw kitci patoskohwakaniwitcik. Ekota nta ke otci ocihakok kitci naskwacikemakak mia pekon e ki patoskohowakaniwitcik e isparik. niheriw ka patoskohowakaniwitc e irapatanik tca mia ni peikon e naskwatak niheriw akosiwiniw COVID-19. Naha tca aka kaki otci makonak niheriw ekote e isparik mia peikon aci nicwaw eki patoskohowakaniwitc. Itaniwon kaie nama ni kocatikon misawatc nicwaw e patoskohowaniwok misawatc e ki makonikotc awik niheriw COVID-19.

Ki ka witamakowinawaw tan apitc minawatc ke icaiekw kitci patoskohikoiekw nicwaw ka actek kitci icaniwok.

### **Kata ia ni takon masinahikan e witcikemakak e ki patoskohokoian?**

Ote Kepek askik kecpin e ki patoskohikoiekw ki mirikowinawaw ni masinahikane witcikemakak e ki patoskohikoiekw. Ekota wirata kaskina e icinokok ko e patoskowiwanawok peikon tca kaie nihe COVID-19 otci. E ickwa patoskohikoiekw Nihe COVID-19 matci ki ka nataweritenawaw kitci motci icitichamakoiiekw nte pamikicikopitcikanik masinahaikan. Nte tca itasinatew nihe masinahiakn PDF ka icinikatek kirawaw tca ki ka kinokepitewawaw. Ekoci kaie itaniwon kitci **miro kanaweritcikatek** nihe masinahikan e witcikemakak e ki patoskohokoiekw.

E ickwa patoskohikoiiin nihe COVID-19 matci ki ka natcipaten pamikiciko pitcikanik e masinatek tapwe e ki patoskohokoiiin neta icakw **portail libre-service**. Kitci ki miroparik neta e icaiin ekota neta ke icaiin <https://covid19.quebec.ca/preuvevaccinale>. Ickwa icaiine neta enko anihni ka masinateki nitc ke kokwetcimikoiiin :

- Misiwe e icinikosoin;
- Apitc ka nitawikiin;
- Tan apitc nictam ka patoskohikoiiin COVID-19;
- Tan e icinikatek nihe patiskahikan ka ki mirikoiiin COVID-19 otci;
- E tatosinasotc kitakosi karom.

Ickwa nanakatcitakaniwoke kaskina ka ki ici pakitinamekw matci ki ka nta kinokepitewawaw nihe ka masinatek e ki patoskohikoiekw. Kecpin aric masinateke nama mirwacin kecpin nte itisinateke nama kata miroparin nte kitci natawapatamekw. Kata masinatew kaie aka e mirwacik :

- Osam nte atita ka ki masinahamekw ka nataweritamakoiekw nama mia itactew neta ka actek ke itasinatek le Registre de vaccination du Québec ou le registre de la Régie de l'assurance maladie du Québec (RAMQ);
- Nama masinasowok kinikihikok neta RAMQ.

Kiapatc e otamirotakaniwok kitci ki miro natawapatcikatek anihni masinahikana neta pamikicikopitcikanik kitci ki miro natawapatemekw.

Aniki nota 14 ka tato piponesitcik nama wirawaw kata miropariniw kitci kinokepatatik neta.

Nihe masinahikan ka masinatek e ki patoskohikoiekw aka tca mia e itactek patam ki ka kiwe ocitanawaw mia kitci itisinatek. Neta ki ka icanawaw pamikicikopitcikanik kitci witamekw nihe ka icinikatek Clic Santé

Nihe tca ki ka mokonenawaw service Vaccin COVID-19 Dépannage. Minawatc tca ki ka motci icanawaw nte e ici aitakok masinahikewikamikw anaha tca kitci matcewiratc kitakosi karom kitci ki kiskeritakosiin.

Awocamec wi nanto kiskeritamane nihe otci e ki patoskohikoiin nte ki ka ican :

<https://www.quebec.ca/sante/problemes-de-sante/a-z/coronavirus-2019/deroulement-vaccination-contre-la-covid-19/preuve-vaccination-covid-19>

**Aka tca oniekw : nihe patoskohiwewin atciwonam akosiwiniw acitc aka kitci arimiparitc opimatisiwiniw kecpin niheriw e makonak COVID-19. E patoskohikoiin enko mawotci ke ki nakatawerimikoiin.**